

**REPORTS OF THE NATIONAL ACADEMY OF SCIENCES
OF THE REPUBLIC OF KAZAKHSTAN**

ISSN 2224-5227

Volume 2, Number 306 (2016), 168 – 174

RELIGION MOTIVES IN THE MODERN KAZAKH POETRY

Khudaibergenov N.D¹. Akhmetova A.M.²

Junior researcher at the Institute of Literature and Art named after M.O.Auezov,

PhD students 1 course KazNU named after al-Farabi

Junior researcher at the Institute of Literature and Art named after M.O.Auezov

Key words: modern literature, poetry, religious direction, enlightenment.

Abstract: This article explores the features and direction of the religious motives of Kazakh poetry in times of Independence. During the decade the themes of religious content were closed subject. There are facts proving that the religious theme sounds in a special way, namely in the years of independence.

Especially the characteristics are given to the religious content poem of young poets, they are measured from the point of view of literary trends.

ӘОЖ: 821.512.122

ҚАЗІРГІ ҚАЗАҚ ПОЭЗИЯСЫНДАҒЫ ДІНИ САРЫНДАР

Худайбергенов Н.Д.,¹ Ахметова А.М.²

М.О. Әуезов атындағы Әдебиет және өнер институты,
әл-Фараби атындағы ҚазҰУ-дың 1-курс докторанты.

Түйін сөздер: казіргі әдебиет, поэзия, діни сарын, ағартушылық.

Аннотация. Бұл мақалада Тәуелсіздік тұсъындағы қазақ поэзиясында көрініс тапқан діни сарындардың өзіндік ерекшеліктері мен беталыс-бағыты бағамдалады. Ондаған жылдар бойы жабық тақырыптар қатарында болған діни тақырыптың егемендік дәуірінде өзгеше мазмұнмен, айрықша формамен жырланып жатқанына дәйекті дәлелдер келтіріледі. Әсіресе, жас ақындар шығармашылығындағы діни өлеңдерге сараптама жасалып, оларға қазіргі әдеби тенденциялар көзімен баға беріледі.

Әдебиетіміздегі діни поэзияның кемі он ғасырлық тарихы мен қалыптасқан өзіндік дәстүрлі жүйесінің бар екені белгілі. Ал исламдық құндылықтардың қазақ даласына кең таралып, берік орнығы жолында сөз шеберлерінің қосқан үлесі орасан. Құран Кәрімдегі: «Сендердің араларында жақсылыққа (қайырылған) шақырып, құпталғанға бұйырып, тыйым салынғаннан қайтаратын бір топ болсын. Міне, солар – мұратына жетушілер» (Әли Имран, 104), - деген аяттың астарында әрбір мұсылман баласының арсыздық атаулыға қарсылық жасап, жақсылық атаулының жайылуына ұмтылуы тиіс екені айтылады [1.73]. Қасиетті Құранның атамыш аятын өмірінің өрнегіне балаған сез ұстаған тұлғалар өз шығармашылығы арқылы да ізгілікті жүртқа жаюды мақсұт тұтты. Тіпті, бұл көптеген ақындардың басты өмірлік миссиясына айналды деуге негіз бар. Ұлттың рухани құндылықтарының дені діни-мәдени бастауларға барып тіреледі. Қоғамдағы құндылықтар жүйесін қалыптастыруда Ислам дінінің орасан ықпалы болды десек, оны орнықтыруда көш бастаған – ақындар, сөз шеберлері. Араб-парсы тілдеріндегі негізгі сюжеттік желіні далалық ділдің қалпына түсіріп, одан әрі көркемдеп дамытқан, байытқан ақындар қазақ жерінде исламдық құндылықтардың теренірек тамыр жаюына, халықтың діни сауатының артуына айрықша әсер етті әрі олардың құрмет-беделі де дін үйретуші имам-молдалардан есте кем болған емес. Тіпті діни сала өкілдері – имам-молдалар еңбегіне қарағанда сөз шеберлерінің қызметі әлдеқайда салмақты әрі жемісті болды деуге болады. Өйткені, көбіне көшпелі тұрмыста күн кешкен халық үшін қарапайым қара сөзден гөрі өлеңмен өрілген өситеттің әсер-ықпалы айтарлықтай құшті болатыны

ақиқат. Осыны ескерген дін мамандары да өлең-жырды халықтың ой-санасына сәуле түсірудің ең үздік құралына балаған. Төл әдебиетіміздің теориясын жасаған Ахмет Байтұрсынұлы «Әдебиет танытқыш» атты кітабында былай дейді: «Қазақтың өлеңді сөзді сүйетін мінезін біліп, дінді халыққа молдалар өлеңмен үйреткен. Шарттарын, шаригат бұйрықтарын өлеңді хикая, өлеңді әңгіме түрінде айтып, халықтың құлағына сініріп, көңілдеріне қондырған» [2.305].

Сөйтіп, ұлттың рухани әлемінде бой көтерген діни-мәдени, дәстүрлі-ғұрыптық институттар өлең-жыр арқылы қалыптасты. Бұл – қазақтың ұлттық болмысын өзге халықтардан айырып тұратын айтулы ерекшеліктерінің бірі.

Діни поэзияның өзі әр кезеңде әр қырынан көрініп, түрлі сипатта дамып отырды. Оның мазмұндық-құрылымдық қалып-күйіне әртүрлі әлеуметтік-саяси, тарихи-психологиялық факторлардың да әсер еткенін жоққа шығаруға болмайды. Өйткені, қоғам тынысының ізі сөз өнерінде кескінделіп жатты. Орта ғасырларда таза дидактикалық бағытта дамыған діни поэзия жыраулар толғаулараптада ерлікті насиҳаттаумен, XIX ғасырдағы зар заман әдебиеті өкілдерінің шығармашылығында мұн-қайғы араласқан ызылдық кескінмен, Абай өлеңдерінде терең интеллектуалдық тәспірлеумен, XIX ғасырдың соңы мен XX ғасырдың басында өмір сүріп, «кітаби ақындар» айдарымен аталаған кеткен бір шоғыр өлеңдерінде елді ағарту, оқу-білімге талпындыру сынды мәселелер төнірегінде көрініс тапты. Бұл – замана алға тоскан сан түрлі сынақтардың бәрінен Исламдық құндылықтарды қалқан етіп өтудің амал-қарекетін жасағандық. Ұлт өзінің тұғырына қайта қону үшін ата дәстүрі мен асыл дініне жүтінуге мәжбүр. XIX-XX ғасырда діни-ағартушылық ағымның қарқынды дамуына сол кездегі ел мен жердің отарлану саясатының үдей түсіү әсер етті деп ойлаймыз. Егер біз қазақ руханиятындағы ағартушылықтың бітімін бүтін қалыпта тануға талаптансақ, міндетті түрде оның астарында Ислам құндылықтарының жатқанына күә боламыз. Ал керісінше, Ислам құндылықтарына үңіле қалсақ, оның өзегінде ағартушылықтың негіз боламыз. Шығыс халықтары үшін, түркілік таным үшін ағартушылық пен Ислам – мәндес, ұштас, ұқсас ұғымдар. Түркілік ағартушылықтың Батыс әлеміндегі ағартушылықтан басты өзгешеліктерінің бірі осы болса керек-ті. Батыста ағартушылық үдерісі діни санадан арылу арқылы, ал шығыстық-түркілік рухани кеңістікте діни санага оралу арқылы жүргенін байқауға болады. Яғни қазақ оқығандары ұлтты ұшпаққа жеткізуде өнер-білім, ғылым мен дінді бөле-жара қарауға болмайтынын қарастырылады. Белгілі әдебиеттанушы-ғалым Дихан Қамзабекұлы өзінің «Алаштың рухани тұғыры» атты еңбегінде былай дейді: «Қазақ әдебиеті тарихы исламды даттаған бірде-бір әпсананы, дастанды, хикаятты білмейді (біз әдейі араб негізіді әдеби терминдерді колданып отырмыз). Сонда бұл құбылысты қалай түсіндіреміз. Бірінші, жүйесіз мәжуси мен дүниеге көзқарасы бар жүйелі дінді салыстырыныз. Екінші, «табиғатты тыңда» деген түсінік пен «ағар, оқы, тазар» деген түсінікті салмақтаныз. Дені дұрыс адам дін мен ағаруды қалайтындығы дау болмаса керек» [3.38]. Мұның бәрі де қазақтың ақыл-ой тарихындағы дінисламның алар орнының аса зор екендігінен хабар берсе керек.

Алайда, имперлік мұддені бәрінен үстем санайтын әміршіл жүйе тұсында санаулы тақырыптар қатарында діни поэзияға да бұғау салынды. Елдік пен ерліктің бастауқөзі бол есептелеңтін әрі мәдени-рухани бостандыққа апаратын «қауіпті» тақырыптар тарих саңауынан ғасырға жуық мерзімге аластатылды. Біз бодандық қамытын киген 70 жыл нәубетке толы кезең дегенімізben, жұздеген жылдар бойы қалыптасып дамыған діни институттар біржола жойылып кетпеді. Әрине, тарих үшін бұл бір сәттік айтулы, азапты мезет қана. Аз уақыттық тоқтам-тыйымнан соң Тәуелсіздік алғаннан кейінгі жылдарда діни поэзия қайта жанданды. Халықтың өлгенні тіріліп, өшкені жанды. Ұлт руханиятында болмашы белгісі ғана қалған санаулы тақырыптар енді жаңа леппен, жаңа сипатта көріне бастады. Әсіресе, жас ақындарымыз осы тақырыпты көбірек қаузаяға құштар. Исламдық ой-сана бастауы болып табылатын Құранда «Ақындар» деп аталатын арнаулы сүренің болуы діни санада ақындық өнердің, сөз өнерінің қаншалықты салмақты рөл ойнайтынын аңғартса керек.

Қазақ әдебиеттану ғылыминың тарихын қазбаламай-ак, бертінгі жылдарды есепке алғанның өзінде бірқатар ғалымдарымыз осы тақырыпты қаузап, әдебиетіміздегі діни мотивтердің сырьы мен сипаты жайында арнайы зерттеулер жазды. Бір жағынан, советтік кезеңде бұл тақырыпты зерттеуге көп адамның батылы бармады. Бұғауланған тақырыпты зерттеуге де жол жабық етін. Дегенмен, егемендікке қол жеткізгеннен кейін діни-ағартушылық ағым өкілдерінің

шығармашылығы ғылыми қауымның арнағы зерттеу нысанына айналып, көптеген зерттеулер жазылды. Жаңаша зерделенді. У. Қалижанов, Ұ. Байбосынова, Ф. Жұмажанова т.б. сынды белгілі әдебиеттанушы-ғалымдар диссертация қорғаса, Т.Кәкішев, Р.Нұргали, Ә.Күмісбаев, Т.Тебегенов, Б. Әбдіғазиұлы т.б. сынды ғалымдар осы тақырыпты арқау еткен көптеген мақалалар жариялады. Үл тақырып әлі де толықканды қаузалып бітті деуге келмейді. Қазақ әдебиетіндегі діни мотивтерді жаңаша көзқарас аясында зерттеп-зерделеу ісі әлі де жалғасын табады деп ойлаймыз.

Шығармашылығында діни сарынның бояуы бірден көрінетін ақындар қатары артпаса, кеми қоймас енді. Бүгінгі діни поэзия өкілдері – ғасырлар бойы қалыптасқан діни-мәдени дәстүрдің занды жалғастыруышылары. Қазіргі ақындар ішінде діни поэзияға соқпай кеткендердің қатары тым аз, тіпті жоқтың қасы. Басты бағыты басқа болғанымен, діни сарында жазылған өлеңін табу қынға соқпайды. Тәуелсіздік дәүіріндегі қазақ әдебиетіндегі діни поэзияның өкілдері ретінде біз Қ.Елемес, Д.Байтұрсынұлы, С.Нұржан, С.Қалиев, М.Тазабеков, С.Хасан, С.Сейітман, Е.Жұніс, А.Елгезек, А.Теміrbай, Қ.Сарин, А.Қалшабек, Қ.Шарманов, Б.Әліқожа т.б. сынды ақындарды атап аламыз. Әрине, атаптап ақындар шығармашылығындағы діни бояу бірінде қалың, бірінде аз. Әрқайсыны әртүрлі машиққа ие. Айналып келгенде, ақындарымыздың өлеңдері әртүрлі формада, әртүрлі жазу машиғында болғанымен, олардың түпкі мақсаты бір жерде тоғысады. Ол – адамды адами қалыптан айырмау. Абай айтатын толық адам концепциясының шенберінен шықпауға үгіттейді. Нәпсі, жақсылыққа ұмтылу, жамандықа аяқ баспау, ардың туын биік ұстап, аманатқа қиянат жасамау деген сияқты аса маңызды адами қасиеттерді ұлықтауға ұмтылдырады, құлшындырады.

Идеялық, тақырыптық айырмашылықтың болуы занды. Сайып келгенде, түпкі финал-мақсаты, құяр арнасы бір – ізгілікке баулу, шаригат шенберінде күн кешу. Дегенмен, кетерген мәселе-тақырыптарының алуандығы байқалмай қоймайды. Ислам діні адам өмірінің барлық қалтарысына шейін мән бергенін ескерсек, осы сарындағы өлеңдердің де тақырып алуандығы тым кең екеніне көз жеткіземіз.

Бүгінгі жастар әдебиетінің өзіндік ерекшеліктері бар. Алдыңғы толқын өкілдерінің шығармашылығына ұқсамайтын қырлары аз емес. Олардың сусындастын бұлағы да бұрынғыдай емес, аясы кеңіп, арнасы ұлғайған. Еркін ойлайды, жоқ дегенде соған деген талпыныс басым.

Сопылық поэзия бізде жақсы дамыған еді. Жалпы, діни сарын қайта бас көтерді дегенімізben, біздің әдебиет сопылық поэзияның бар болмысымен толыққанды бой көрсетуіне әлі күә бола қойған жоқ. Әрине, там-тұмдап қана талпыныстар жасалуда. Уақыт өте дәстүрлі-діни сопылық өлең өлшемдері жана заманға сай жаңғыратынына сеніміміз кәміл.

Тәуелсіздік жылдарында діни сарындағы өлеңдерімен көптің көзіне түскен ақындардың бірі – Серік Қалиев. Ол өзінің «Тұрсаңшы, елім» атты жыр жинағында былай дейді:

Тырс етіп тиген әйнекке бір тамшың едім,
Маужырай бермей бекерге, тұрсаңшы, елім! [4.22].

Міржақыптың «Оян, қазагымен», Ахметтің «Масасымен» мазмұндас тармактар емес пе? Серіктің ағартушылығы, негізінен, діни-мұсылманшылық қалыпқа қайта оралуға үндесе, алаштықтардың ағартушылығы, негізінен, оку, білім алу, Еуропа елдерінде жету сынды білім мен ғылымға үндейтін сарындармен көрінеді. Айналып келгенде, кешегінің де, бүгінгінің де ақындарына тән ортақ мақсат – ел болашағы, ұлт мұраты. Екі арна да халықтың рухани тұрғыдан бай болуына, адамгершілік, ар дейтін асыл ұғымдардың қашанда жұрт жадында жатталып жүруін қалаудан туған қадамдар болып табылады. «Тамшыдай тырс етіп әйнекке тисе», «маужырап жатқан елін оятуға» тырысса, ақын исламдық санаға қайта шақыру арқылы жүзеге асырғысы келетінін бірден анғарасыз. Иманнан алыс күн кешіп жүрген адамдар жайында Серік Қалиев «Біреу» атты өлеңінде:

Біреулер ток, өмірінде мағына жоқ,
Кең жайлайда жайылған мал секілді, -
деп мұн шағады [4.70].

Исламдық-діни сарында қалам тербеушілердің арасында Серікбол Хасанның аты жиі айтылады. Ол «Ғылым дамып барады» деген өлеңінде мынадай ой айтады. Адамдар ғылым мен техниканы дамытып жатқанымен, өзінің ары мен ұятына көніл бөлуден қалды.

Жақындаған сайын сол заманақыр,

Түседі екен тілге – дақ, санаға – кір.

Фылым дамып барады, ал адамдар,

Фаріп жанға айналып бара жатыр... [5.37].

Дәл осындай мазмұн павлодардық ақын Қуаныш Шармановта да бар. Ол «Адаспай таниық Алланы» деген өлеңінде былайша үн қатады:

... бір-бірін талайды,

Тар санап дүниенің кеңдігін,

Ұмытып көрінің тарлығын.

Не деген ұғымсыз!

Шетінен білімсіз Абайдың дәуірі емес қой дәл бүгін.

Оқыған заманда,

Дамыған ғасырда Алланы таныма..., - деп жан-журегі езіледі. Фылымы шарықтап дамыды деген бүгінгінің білімді һем мәдениетті адамының өзін жаратқан Құдайын танымай жүруі ақылға сыйымсыз деген ой айтады. Иә, Қуаныш өлеңдерінде көркемдікпен бірге қүйіну бар. Серікбол да, Қуаныш та – журегіне жауапкершілік жүтін артқан азамат ақындар. Онысы өлеңі – өмірбаянынан айқын білінеді. Ақын өз дәуірінің бейнесін жасап, өз дәуірі атынан үн қатады десек, жоғарыда келтірілген ой орамдарында шындық жоқ деуге келмейді. Серікбол Хасан пайғамбарымыздың (с.а.у.) қасиетті хаистерін өлеңмен өріп беруге шебер екенін көрсетті. «Кәусар» жинағын парактағанда осыны байқадық. Мысалы, «Өсиет» атты өлеңінде хадистің мазмұнын өлең арқылы таратып жеткізеді [5; 102]. Мақсаты – адами шенбер аясынан шықпауға үндеу. Ақындарымыздың арасында жас болса да өмірдегі әрқыл құбылыстар мен ұғымдар жайлы тереңінен ой қозғап, оқырманын ойланту тәсілі – осы діни сарында қалам тербейтін ақындарға тән. Кейде олар жас ақындардан гөрі, өмірде көпті көріп, көпті түйген ересек адамдар секілді ой қозғап кететіні бар. Сөзімізді мысалмен сабактайық. Серікбол Хасанның өмір туралы жазылған өлеңіне көз салайық.

Бұ дүниенің жаралуы текке емес,

Сарқыраған судың да бар сұрауы.

Өмір деген – өткелі мол көп белес,

Құлап қалсан, бәріне өзің кінәлі... [5.86].

Ал енді белгілі ақын Қалқаман Сарин өмір жайлы өзінің ақындық, азаматтық көзқарасын қағазға былайша қондырыпты:

Бұл өмір – ойнап жүріп от басулар.

Кездейсок кездесулер, қоштасулар.

Таусылған тағдырларды теңдеп алып,

Келмеске кеткен сонау көп ғасырлар [6.17].

Ақындарымызға ашық айтумен қатар, астарлап айту да тән. Қазақ – сөз қадірін жете ұғынған халық. Тоқсан ауыз сөздің тобықтай түйінін қыска да нұсқа сөз орамдарымен жеткізетін және соған әбден үйренген халық. Бұл да кен жазыралы байтак әлемде күн кешкен ұлттымыздың ойлау жүйесінің өзгелерден ерекше тұстарының бірі болса керек. Басқа түркі халықтарына қарағанда қазақ әдебиетіндегі діни сарынның басты ерекшеліктерінің бірі ретінде де біз осы астарлап айту, аз сөзben көп мән-мағынаны ашу дейтін қасиетті айта аламыз. Ақындарымыздың өлеңдерінде осы сипат бар. Бұл –метафоролық ойлау жүйесінің жемісі. Астарлап айтудың үлгісін Алмас Теміrbайдан анық көруге болады. А. Теміrbай өзінің «Мұсылман» өлеңінде былай дейді:

Шақырғанын шалып қалды құлағым,

Бұрын қайдан естіп едім бұл үнді!?

...Мен Құдайға жақындалп ем бір адым,

Құдай маған құшақ жая жүтірді... [7.40].

Мұнда астар да бар. Драматизм де жоқ емес. Ең бастысы, бұл пайғамбар хадисінде айтылатын терен мазмұнның поэтикалық тәспірі. Ақындар мына реалды өмірде көпшілікке белгілі ардың шенберіндегі игіліктердің бәрін ислами көзқарас тұрғысынан таратып береді. Ислам дініндегі жоралғы-амалдардың бәрі дерлік, түптен келгенде, ағартушылық ағымның күретамыры, түпзегі болғанын осыдан білуғе болады.

Серік Сейітманның «Домбыра» атты жыр жинағында да діни сарындағы өлеңдер аз кездеспейді. Серіктің «Жұмақбек» деп аталатын өлеңі оқырман назарын еріксіз тартады. Өлең өте

қарапайым болғанмен, оған арқау болған мазмұнның жүгі ауыр. Ойландырады, тұшындырады. Ауыл адамдары «Жұмақбек» деп айдар тағып кеткен адамның өмір бойы бейіт қазумен айналысқанын, қашанда көптің көңіліне қарап, жақсылықтың жаршысы болғанын таратып келеді де, күндердің күнінде дүние салған Жұмақбектің қабірін ауыл адамдарының бірі қалмай қазганын әсерлі жеткізіпти [8.206]. Серік Сейітман өлеңдерінің бір ерекшелігі – ол имани мәселелерді үнемі елдік істермен ұштастырып жеткізуге бейім. Имандылық дегеніміздің өзі отаншылдықпен тікелей астасып жатқан ұғым деп таниды. «Мұсылманның сипаты» өлеңінде:

Мұсылманның Отаны – жүргегінде,
Тілегің де сол болсын, тірегің де.
Талпын, досым, сауапқа батқын келсе,
Туған елдің тесіне гүл егуге! – десе [8.213], басқа өлеңінде:
Құтқарап ордан
Момынға қорған
Намаз деп қана ұқпағын.
Отаның құсса
Жүректен ұшса,

Шаригаттан да шыққаның! – деп ағынан актарылады [8.217]. Ақындық пен азаматтық позициясының бір нүктеде түйіскенін көрсетеді. Ал Бауыржан Қарағызыұлының өлеңдері жоғарыда аты аталған ақындар шығармашылыған ұқсай бермейді. Әсіресе, өлең құрылышы бөлектеу. Бірге оқыық:

Тәнірім,
Бұл да сенің әмірің.
Мұсылманның дұғасынан жараптадым,
Мұхаммедтің ұмбетінен санаудым.
Жаратқан,
Мактау сағанағана-ақ тән.
Күллі әлемге сәуле шашқан Құраным,
Нұр-Мұхаммед таратқан [9.144].

Өлең құрылышы өзгешелеу әрі салыстырмалы түрде күрделі деуге болады. Бауыржан Қарағызыұлында Алланы шын сағыну, өлімді сұлу қып суреттеу т.б. сынды шығыстық-сопылық ұғымдар кездеседі. Бір жағынан, өлеңдерінің мазмұндық-құрылымдық сипаты модернистік өлең түрлеріне ұқсайтыны бар.

Қазіргі діни поэзияның басты ерекшілігінің бірі – оның формалық өзгеріске ұшырауында. Діни-ағартушылық миссияның негізгі құралы қазақ сөз өнерінде эпикалық ойсана жемісі болып табылатын ірі жанрлар арқылы жүрген болса, бүгінде әдеби үрдістің талап-тілектеріне орай қысқалықты қанағат тұтқан жайы бар. Сондай-ақ XIX-XX ғасырлардағы қазақ даласында жақсы дамыған діни-ағартушылық ағымның ең бір арналы саласы пайғамбарымыз (с.а.у.) бен оның төрт шадияр-саҳабалары жайындағы қисса-дастандар мен ұзақ-сонар хикаялар бүгінде жоқтың қасы. Я болмаса, құрани сюжеттерді қазақ баласына ұғынықты тілмен қара өлеңнің тезіне салып жырлауда бүгінгі ақындарда көп кездеспейтін, тіпті жоқтың қасы деуге келетін дүние. Бүгінгі діни сарындағы жырларға қысқалық тән. Сөз шеберлері көбіне-көп бір шумақ жырмен барынша көп мағына беруге тырысады. Жас болса да, карияларға тән тілдік тіркестермен барынша көп ақыл айтуда, салмақты ой айтуда барын салады. Ал XX ғасырға дейінгі жырларда мазмұндық байлығымен қоса формалық көлемділік те бар болатын. Бүгінде эпикалық сана жемісі бол есептелеудің ұзақ-сонар қисса-дастан айту дәстүрі үзіліп қалған. Оған деген сұраныстың болуы да неғайбыл. Өйткені, қазір қажеттілік – қысқалықта. Мұндай құбылысты тек әдеби қағидаттар қисынымен түсіндіріп беру аз. Бұл – барлық салаларда жүріп жатқан үдеріс. Қоғамдық формацияның өзі, уақыт талабы осыны туындағып отыр. Сондықтан да ақындарымыз аз сөзге көп мағына сыйғызуға ұмтылады. Бұрынғылар ұзын-сонар насиҳатқа салынса, қазіргі жастар сезімді тербей отырып ақылды да қозғауда талпынады. Әрине, бұл өз кезегінде жанрлық ерекшеліктердің туындауына да себеп болды. Қазіргі поэзияда бұрын өте кең тараған мысал жанрының бұлынғырланып калғанын байқаймыз. Яғни қоғамдық құбылыстарды, адамдар арасындағы жақсылы-жаманды мінез-гадеттерді жан-жануарлар мен табиғат құбылыстары арқылы түспалдаپ

айту дәстүрі қазір азая бастаған. Мысалы, XIX-XX ғасырлардағы ақындар өлеңдерінде негізінен мұнәжат, насиҳат, ғазал, тәрттаған т.б. сынды халықтық өлең жанрлары кеңінен қолданылса, бүгінгі ақындар заманауи әдеби формаларды еркін менгергенін көрсетеді. Ахмет Байтұрысның: «Қазақ өлеңі жатталуға бейім бол тұрады», - дейтіні бар. Бұрынғы діни поэзия жатталуға бейім бол тұратын дәстүрлі 7-8 буынды немесе 11 буынды қара өлең формасында жазылатын болса, қазіргі ақындар ежелден қалыптастып үлгерген атамыш өлең формаларымен бірге заманауи, жаңашыл-модернистік өлең құрылыштарын да еркін қолдануға тырысады.

Сондай-ақ, бүгінгі ақындардың тілдік қолданысында айтартықтай айырмашылықтың бар екенін анғарамыз. Тілдік ерекшеліктердің болуы заңды. Өйткені, XIX-XX ғасырдағы қазақ қоғамы мен бүгінгі қазақ қоғамының тілдік қолданысы салыстыруға келмейді. Өйткені, ол кезде араб-парсы сөздерінің қоғам өмірінде мейлінше көп қолданыста болған тұсы-тын. «Қазақтың тіліндегі басылған бұрынғы шығармаларды алып карасақ, қазақ тілі болмай, қазақ пен ногай тілінің араласқан қойыртпағы болып шықса» [2.306], қазіргі ақындар тіліне барынша абай болуға ұмтылады. Біз түсіне бермейтін діни терминдер мен араб-парсы сөздерін көп қолданбай-ақ қарапайым қазақтың тілімен дініміздің маңызды жоралғы-амалдарын түсіндіріп, түйсіндіріп береді. Бұл оқырман үшін маңызды. Автордың оқырманмен санасуы деген – осы. Мақсат – халықтың тілін шұбарлау емес, санасына асыл діннін шуакты сәулесін түсіру.

Сайып келгенде, қазіргі ақындардың түрлі-түсті, әртүрлі жанрда, әртүрлі сипатта, әртүрлі тақырыпта жазылған өлең-жырлары жыраулар әдебиетінде орнықсан «шынайы адам», сопылық поэзия өкілдері көтерген «кемел адам», Абай негізделген «толық адам», Шекерім айтатын «нәспіні жеңген адам» деген концепциялардың төнірегіне топтасады. Яғни, қазіргі қазақ жырының жүйріктері – кешегі бабалар салған сара соқпақпен келе жатқан ізбасарлары. Келер ұрпақтың ізашарлары. Бұрынғылар халықтың діни құндылықтарды қастерлеумен қоса білім-ғылымға да ерекше дең қоюға шақырса, қазіргілер негізінен Алланы тануға, Жаратқаннан корқуға шақырады. Бұрынғыларда белгілі бір мөлшерде білім-ғылымның артта қалғанын оқырманына сезіндіріп отыру басым болатын. Қазір азаматтардың бәрі білімді, бірақ иманнан алыс секілді. Сөзімізді қазақ әдебиетіндегі діни-ағартушылық ағымның ерекшеліктерін айқындал берген ғалым У.Калижановтың пікірімен сабактайық. Ол: «Діни-ағартушылық поэзия өкілдері діни схоластиканы үағыздаған жоқ, олар діннің ак жолын қоғамның даму көзіне айналдырып, мұрат тұтқан, бүгінгінің тілімен айтсақ, ағартушылық қозғалыстың басында тұрды. Олар жалпылттық идеяға айналды. Егер қазақ халқының соңғы 80 жылдың ішінде оқу-білімге деген құмарлығы неге сөнбей отыр десен, сол идеяның жаңғыруының, санаға сіңгенінің жемісі деп білген жөн», - дейді [10.38].

Әдебиеттанушы Ұ.Байбосынова діни-ағартушылық ағым өкілдерінің шығармашылығын теренірек зерттей келе мынадай қорытындыға келеді. Ол: «Мұсылмандық біліммен және классикалық Шығыс әдебиетімен қаруланған осы молда-акындардың шығармаларында мынадай әдеби дәстүрлер саралана қалыптасты: біріншісі – лирикалық өлеңдердің байт, ғазал, қасида (қасыда), назым, тәрттаған (рубай) жанрлары түрлерінде жазылғаны; екіншісі – эпикалық кисса-дастандарында Құран сюжеттері мен Шығыстың аныз ертегілерін арқау етіп жырлағандығы; үшіншісі – лирикалық және эпикалық шығармаларда түркілік Тәнірі, арабтық Алла, парсылық Құдай сөздерін аралас қолдана отырып, исламға қатысты қағидаларды түгелдей дерлік қолдана жырлағандығы; төртіншісі – лирикалық және эпикалық шығармаларда сопылық әдеби-әуездік макамдық дәстүрлер жүйесінің сақталғандығы» [11.12-13].

Біздіңше, бүгінде қазақ әдебиетіндегі діни поэзияда мынадай ерекшеліктерді байқауға болады:

- а) Алланың – рас, пайғамбардың – хақтығын, Құранның – шын, хадистің – сафтығын жырлайды;
- ә) ислами салт-жоралғыларды ықыласпен орындауға шақырады. (Намаз, зекет, ораза, қажылық);
- б) мінәжат өлеңдер көбейді. Алла алдында арылу, тазару, кінәсін мойындау, лирикалық толғай;
- в) ата-бабаларымыздың Ислам құндылықтарымен өмір сүргендігін, дініне берік болғандығын мактандыш етіп, оқырманына ұғындыру.

Алдыңғы төртеуі абден қалыптасып орныққан салалары болғанымен, соңғы белгісі Тәуелсіздік тұсында сөз өнерінің сахнасына шыққан, халықты атадінге баулудың жаңа бір тәсілі болып отыр. Ата-бабаларымыздың ерекше иманды, Ислам туын биік ұстағаны жайындағы өлеңдер де жиі кездесуі, ұлылар ұлағатын имани сөүле арқылы жеткізу тәсілі – ағартушылықтың тиімді жолдарының бірі. Бұл да тарихты тереңірек тануға, халықтың санасының оянуына әсер ететін факторлардың бірі болып табылады. Түптеп келгенде, қазіргі ақындар шығармалары арқылы адамды Аллаға жақыннатуды көздейді десек, ол жақындау үдерісі адам бойындағы асыл қасиеттер – адалдық, кішіпейілдік, жомарттық, мейірімділік т.б. секілді қасиеттерге ие болумен, арсыздық атаулыдан алыстаумен, қоғамға пайдалы азамат болумен өлшенеді екен. Бұрынғы осы бағыттың өкілдері адамның имани қалпының көрсеткішін оның қоғамға (жақындарына, жұртына) пайда келтірумен өлшесе, қазір де сол сипат анық байқалады. Яғни, иман дегеніміздің өзі көпке қосылу, көпті жақсылықта шақыру. Қоғамды түзеу дейтін түпкі мақсат алдымен өз бойындағы жаман ғадеттерді жоюдан басталады. Бұгінгі діни поэзиядан біз осыны анғардық.

ӘДЕБІЕТ

- [1] Құран Кәрим. Магыналар және түсіндірмелерінің /тәспірлерінің/ аудармасы. – Алматы: 2015. – 776 бет.
[2] Байтұрсынұлы Ахмет. Алты томдық шығармалар жинағы. – Алматы: «Ел-шешіре», - 2013. – Т I: –384 б.
[3] Қамзабекұлы Д. Алаштың рухани тұғыры. – Астана: Ел-шешіре, 2008. – 360 б.
[4] Серік Қалиев. Болашаққа хат. Өлеңдер жинағы, 2013 жыл. 168 б.
[5] Хасан Серікбол. «Кәусар»: Өлеңдер // Серікбол Хасан. – Алматы: «Жалын баспасы» ЖШС, 2011. – 136 б.
[6] Қалқаман Сарин. Арманымның бейнесі. Өлеңдер жинағы. Астана: Нұр Астана, 2011. – 192 б.
[7] Теміrbай Алмас. Автопортрет. Өлеңдер. – Алматы: «Жалын баспасы» ЖШС, 2008. – 64 б.
[8] Сейітман С. Домбыра. Өлеңдер // С.Сейітман. – Алматы: Хантәнірі, 2014. – 324 б.
[9] Қарағызыұлы Б. Жүрек кітабы. Өлеңдер / Б. Қарағызыұлы. – Алматы: «Хантәнірі», 2014. – 190 б.
[10] Қалижанов У. Қазақ әдебиетіндегі діни-ағартушылық ағым. 3-том. – Алматы: «Құс жолы», 2008. – 288 б.
[11] Байбосынова Ұлжан Маликайдарқызы. Сыр бойы ақын-жыраулары шығармашылығындағы ислам тақырыбы. 10.01.02 – қазақ әдебиеті. Филология ғылымдарының кандидаты ғылыми дәрежесін алу үшін дайындалған диссертациясының авторефераты. Қазақстан Республикасы, Алматы, 2006.

REFERENCES

- [1] Quran Ka'ti'm. Maghy'nalar zha'ne tu'sindirmelerininh /ta'psirlerininh/ awdarmasy'. – Almaty': 2015. – 776 bet. (in Kaz.).
[2] Bajtursy'nuly' Axmet. Alty' tomdy'q shy'gharmalar zhi'naghy'. – Almaty': «El-shezhire», - 2013. – T I: –384 b. (in Kaz.).
[3] Qamzabekuly' D. Alashty'nh rwxani' tughy'ry'. – Astana: El-shezhire, 2008. – 360 b. (in Kaz.).
[4] Serik Qali'ev. Bolashaqqa xat. O'lenhder zhi'naghy', 2013 zhy'l. 168 b. (in Kaz.).
[5] Xasan Serikbol. «Ka'wsar»: O'lenhder // Serikbol Xasan. – Almaty': «Zhaly'n baspasy」 ZhShS, 2011. – 136 b. (in Kaz.).
[6] Qalqaman Sari'n. Armany'mny'nh bejnesi. O'lenhder zhi'naghy'. Astana Nur Astana, 2011. – 192 b. (in Kaz.).
[7] Temirbaj Almas. Avtoportret. O'lenhder. – Almaty': «Zhaly'n baspasy」 ZhShS, 2008. – 64 b. (in Kaz.).
[8] Sejitman S. Dombyra. O'lenhder // S.Sejitman. – Almaty': Xanta'nhiri, 2014. – 324 b. (in Kaz.).
[9] Qaraghy'zuly' B. Zhu'rek kitaby'. O'lenhder. / B. Qaraghy'zuly'. – Almaty': «Xanta'nhiri», 2014. – 190 b. (in Kaz.).
[10] Qali'zhanov W. Qazaq a'debi'etindegi dini'-aghartwshy'ly'q aghy'm. 3-tom. – Almaty': «Qus zholy», 2008. – 288 b. (in Kaz.).
[11] Bajbosy'nova Ulzhan Mali'kajdarqy'zy'. Sy'r bojy' aqy'n-zhy'rawlary' shy'gharmashy'ly'ghy'ndaghy' i'slam taqy'ry'by'. 10.01.02 – qazaq a'debi'eti. Fi'lologi'y a ghy'ly'mdary'ny'nh kandi'daty' ghy'ly'mi' da'rezhesin alw u'shin dajy'ndalghan di'ssertaci'yasy'ny'nh avtoreferaty'. Qazaqstan Respwbl'i'kasy', Almaty', 2006. (in Kaz.).

РЕЛИГИОЗНЫЕ МОТИВЫ В СОВРЕМЕННОЙ КАЗАХСКОЙ ПОЭЗИИ

Худайбергенов Н.Д.¹ Ахметова А.М.²

Младший научный сотрудник Института литературы и искусства имени М.О.Ауэзова,

PhD докторант 1 курса КазНУ имени аль-Фараби

Младший научный сотрудник Института литературы и искусства имени М.О.Ауэзова, магистр гуманитарных наук

Ключевые слова: современная литература, поэзия, религиозное направление, просвещение.

Аннотация. Исследуются особенности и направления религиозных мотивов казахской поэзии во времена Независимости. В течение десяти лет темы религиозного содержания были закрытыми. Имеются факты, которые доказывают, что религиозная тема звучит по-особому именно в годы обретения Независимости. Даётся характеристика стихотворений религиозного содержания молодых поэтов, которые оцениваются с точки зрения литературных тенденций.

Поступила 12.01.2016 г.